

《再見，哥哥》

禰芷欣

人物：哥哥梁永智，弟弟梁永財，美兒，債主，債主手下甲，債主手下乙，醫生，護士甲，護士乙，三姑，六婆，看更，工司職員，哥的社工，哥的僱主，蓮姐，壞人甲、乙、丙、丁，行人甲，行人乙，警員甲，警員乙

第一幕

（左台放著一張枱，看更坐著那張枱後，正欲想小睡會）

畫外音：

債主：你同我聽住呀！今日搵唔到十個銀行號碼同埋密碼，唔駛指意還到我 d 息！

（弟弟出）

弟弟：唉…… 琴日先俾左二十個，今日又要二十個，幾時還清筆債喎！

（裝作偷信）

（三姑，六婆出）

三姑：（八掛地） 喂，呀六婆你知唔知呀，近來呢唔知點解銀行寄親黎 d 信都唔見晒！而我老公無講錯俾銀行個數，話佢透支一大筆錢，我地已經同銀行講過架啦，但係佢地到依家都仲未答覆我地囉！

六婆：三姑，你咁未好囉！我老公呀，唔知點解佢銀行 d 錢一日之內唔見駛呀，我地報左警架啦！差人話會查喎！

三姑：（指著弟） 咦！呀才喎！

（兩人行往弟前）（阿才立刻收埋剛偷回來的信件）

三姑：阿才，你拎信呀？

弟：（閃閃縮縮地）係……係呀，唔講啦！我趕住番工啦！再見！

六婆：後生仔果然做乜都快過人！

三姑：（笑著）你估好似我地 d 老野咁咩！

（兩人走，看更走，台右枱出，公司職員坐兩枱後）

（哥，社工，僱主出）

社工：（邊走邊說）阿智，你以後就係呢度做野架啦！俾 d 心機！記住聽老闆話呀！有乜事就打俾我啦！

哥：哦（阿富四處打量）

社工：黃小姐，唔該晒你，俾個機會阿智，有乜問題就打俾我啦！如果冇乜野，我走先啦！

僱主：唔駛客氣，我係應該咁做 o 既！（微笑）bye bye！

社工：唔，bye bye！（又對著哥）bye bye 阿智！

哥：bye bye！李姑娘！（李姑娘入後台）

僱主：阿智，呢個就係蓮姐啦，佢會分配 d 野俾你做架啦！知唔知？

哥：唔，我知架啦！（點頭）

僱主：蓮姐，唔該你。

蓮姐：阿智，呢度有部吸塵機，你識唔識用呀？

哥：（肯定地）識！識！識！以前姑娘教過我用架啦！

蓮姐：真係叻仔，好啦！你負責吸呢層啦！我 o 係下面 o 個層，有乜事就落黎搵我啦！

哥：唔！我知架啦！

（哥一面吸塵，一面四處望，後被枱上電腦吸引住，站著而且望著）

哥：（吟著）262833420，6598

262836987，1569

262835896，1985

美兒：咦！你有興趣呀！我得閒教你啦！

職員乙：（鄙視）喂！美兒，唔好同佢講咁多野呀！一陣攞到你自己都傻埋！

（哥太專心，沒有聽到，口裏還在吟著 字）

美兒：你唔好咁講啦！一陣俾佢聽到就唔好！

哥：（望著美兒）你叫我呀？

美兒：係……係呀！可唔可以幫我斟杯水呀？

哥：好！你等我一陣，一陣就得架啦！等我！（跑入左台）

職員乙：喂！美兒，公司依家好唔掂咩？要慳埋 d 錢請個低 b 仔番黎！

美兒：關乜事 o 者，公司只不過俾 d 機會 o 個 d 弱能人仕去投入社會。仲有呀！佢叫阿智，唔係低 b 仔呀！

職員乙：咁佢真係低 b 架嘛！

美兒：你……你仲係咁！佢黎啦！唔好仲係咁叫人呀！

哥：（拿著水杯）你杯水呀！我叫阿智呀，你叫咩名？

美兒：我叫程美兒，你可以叫我做美兒，咁你呢？

哥：我叫梁永智，你可以叫我阿智架！

美兒：哦，唔該你！你番去做野啦。

職員乙：阿智！可唔可以幫我斟杯水？（奸笑）

哥：好呀！

哥：（拿著水杯，正想交俾職員乙）o 拿，小心啎。

職員乙：（把水倒在富腳上）呀！對唔住！我真係唔小心啦！

美兒：（立刻拿起紙巾幫富抹腳）（對著職員乙說）乜你咁唔你心架！

哥：唔緊要，美兒，我有事。

職員乙：係囉！佢都有事囉！係呀，（對著呀富）你抹左 d 水啦！

美兒：呀富，唔駛理佢！（對著職員乙）你自己抹番啦！

職員乙：明明係佢倒瀉架啎，當然係佢自己抹番啦！

美兒：你咁都得 o 既……明明…

蓮姐：（蓮姐出）係……仲乜事？係唔係阿智做錯野？

美兒：冇乜野，呀怡佢倒瀉左杯水，唔該蓮姐幫佢抹下塊地板。唔該你。

蓮姐：哦，好呀，阿智你落去下面個層吸下個地。

哥：哦，好呀！

職員乙：唔經唔覺又五點，喂美兒你走未呀？

美兒：唔，我走架啦！（拿起水喝）唔，得啦！行得啦！

職員乙：你竟然飲 o 個傻仔湛俾你 o 既水呀！你唔驚你都傻埋呀？

美兒：你仲係咁 o 既，你今日玩唔夠呀！我一睇就睇得出你頭先特登把杯水倒 o 係阿智對鞋度，係阿智先信你佢唔小心倒瀉左 d 水，你唔好成日都咁話人啦！呀富係弱能人仕，唔係傻仔呀！你以後都唔好玩佢呀！唔係朋友都有情講！

職員乙：係啦，美兒姑娘，快 d 行啦！費事一陣同個弱能人仕同車立呀！

美兒：呀！你仲係咁！（職員乙推美兒行）

第二幕

（在家中）（弟正在看報紙）（哥出）

哥：（笑著）我番黎啦！今日好開心呀！識左好多人，佢地個個都對我好好呀！噃！尤其係美兒呀！仲有呀！我倒瀉左野佢地都冇鬧我，下次我一定唔會咁唔小心架！

弟：（顯得不耐煩的模樣）得啦！得啦！知你開心啦！（苦笑）買左飯呀！我食左啦，你自己快 d 入廚房拎黎食啦！

哥：哦！今日食咩飯呢？（笑）

弟：（處理今天偷來的信）一封，兩封，262800743，密碼係 1980，噃，我出世 o 個年喎！唉，冇乜用，人地有 o 既係密碼，有錢拎，而我 o 既只不過係出世年份，都拎唔到錢 o 既！

哥：（坐在椅上）今日係叉燒飯！我鍾意！

弟：唉……都唔知要偷到幾多先夠數還俾大二隆，唉……鬼叫自己好賭咩，以前一日到黑掛住賭錢，輸晒呀爸呀媽 d 遺產，依家仲要欠人錢，唉！最衰有個弱智呀哥，佢又唔識溫食，攞到我欠咁多錢，唉……262800872，2458

哥：（跟著弟講） 262833420，6598

262836987，1569

262835896，1985

弟：（望著信）（細聲）乜咁似 o 既，（大聲對哥講）喂！d 數字係邊度聽番黎架？

哥：o 係美兒部電腦睇到架！好多好多架！

弟：喂！頭先你講 o 個個美兒係乜水黎？

哥：美兒係我地銀行 o 既入數員，佢負責入客戶資料。

弟：你去左銀行打工？

哥：係呀！

弟：嘩！發達啦！今次唔駛偷信就可以還債啦！又可以搵一筆！掂！（奸笑）啦，幫下細佬得唔得先？

哥：得，梗係得啦！我係你哥哥黎架嘛！

弟：得就太好啦！你以後番工，去美兒部電腦度記低所有數字，番黎話俾細佬聽，就係咁簡單！

哥：就係咁？ok！（笑）

第三幕

（債主，弟出，哥隨後）

債主：叻仔！一個月 o 者嘛，就還晒 d 數，你阿哥真係幾掂架喎！想唔想幫下手

繼續發達呀？（奸笑）（面露兇光）我知你想 o 既，一於咁話，聽晚再黎！

弟：（被迫地笑）得……得，冇問題！bye bye 聽日見！

(債主走，弟及哥在台中的椅坐下)(在公園)

弟：喂，你記唔記得呢個公園呀？以前阿爸阿媽最鍾意帶我地黎呢度玩架啦！自從佢地車禍死左我地都好耐冇黎過呢度啦！知唔知點解？(哥搖頭)賺錢呀嘛！唔係邊度黎錢食飯呀？又要養你，你知唔知呀，唔係為左還債，我都唔想做 d 犯法 o 既事呀！我自細就有一個願望，你知唔知係乜？

哥：歌手？好似松松姐姐咁！

弟：(笑)梗係唔係啦！我想做上市主席，我想發達，我想有好多好多 o 既錢，買好多好多 o 既車！(突然一沉)但係依家主席就做唔到！反而做左流氓。

哥：唔好咁啦，我肚餓啦！買飯番屋企食啦！

弟：唔駛食飯盒啦，今晚打邊爐啦！當係唔該你幫我還清 d 數啦！

哥：好野！

弟：我去銀行拎錢你去住”黃記”等我！

(在”黃記”)

哥：(坐在其中一張枱)(望著前面 o 既壞人甲笑)咁得意 o 既？

壞人甲：(和壞人乙丙丁走近富)喂！低 b 仔你笑乜野？有乜咁好笑呀！（惡）

哥：(怕)我……我只不……過覺得你……你個頭紅色好得意！我……我未見過紅色 o 既人。

壞人甲：你梗係未見過啦！你低 b 架嘛！你 o 係我咁多兄弟前笑我！打佢！

(壞人甲乙丙丁打他)(弟見到，上前阻止)

弟：幾位大哥做乜事？

壞人乙：你係邊個呀？

弟：我係佢細佬！你地做乜打佢？

壞人丙：佢笑我大佬！

弟：我唸佢冇心架！幾位大哥，大人不記小人過呢！

壞人丁：你講咩話？！他媽的！

壞人甲：同佢講咁多做咩嘞！打埋佢！

（壞人甲乙丙丁打弟）

哥：（保護弟）你地……地唔好打……打佢呀！佢……佢會……會受傷架！

弟：呀……你唔好咁啦！

哥：我……係你哥哥黎架嘛！

壞人甲：好！停手！（拍哥的臉）算你夠兄弟！我地走！

弟：（扶起哥）你點呀？

哥：（笑）我……我有事

弟：好彩傷左少少，番屋企同你搽藥！

哥：唔。

（在家）

弟：（幫哥搽藥）都咁大個人啦！學人打交仲要同 o 個 d 人打！好彩我係度，唔你就……（哥呀了一聲）我搽得好痛？

哥：（笑）唔係呀！我醒起我地未食野！

弟：枉你仲笑得出，未食野？我去廚房整個麵你食！

哥：都係細佬對我好！

弟：得啦！

（哥坐在枱前畫畫）（弟進）

弟：喂！你係度畫緊咩？○岩○岩先搽左藥就休息下啦！都咁大個人架啦！
（弟拿起圖畫看）你畫畫都幾靚架喎！點解幅幅都係呢個女仔黎○既？邊個黎架？

哥：（細聲講）佢叫美兒，佢對我好好架，第一日番工就話要教我電腦，

放食飯又同我去公園散步，情人節又送曲奇俾我喎！上星期日，佢又帶我去踩單車喎！我同佢一齊好開心架！

弟：你去踩單車點解我唔知○既？

哥：你○個日訓到五點幾，所以你唔知囉。

弟：係咩？講番你啦！你好明顯就係鍾意人啦！你自己唸下啦！人地同你踩下單車，送下曲奇餅俾你你就鍾意人，d 曲奇可能係佢整多左先送俾你。唔好咁傻啦！忘記佢！唔好鍾意佢喇！

哥：你唔知架啦！總知我同佢一齊開心就得架啦！

弟：你知咩！你知咩野叫愛情咩？佢呃你！

哥：（開始激動）總知開心啦！你信我啦！

弟：我唔係唔信你，我係唔信呢個女人！

哥：我……（暈倒）

弟：哥！你做咩事呀？點解流血○既？哥！

（救護車聲）

（燈滅）

畫外音：

弟：醫生，我哥哥有乜事？

醫生：要等我 check 下，你下星期黎就有報告架啦！你哥哥今晚就 o 係度留院一晚啦！

弟：唔！！ 我下星期再黎過。

（第二日）（在醫院下）

弟：唔知呀哥點呢？要快 d 先得啦！

（債主及債主手下乙向著哥前行）

債主手下乙：你唔好走呀！我大佬搵你！

債主：你幾時番幫我手呀！又話一定番黎幫我搵錢！（拍弟的臉）

弟：得……得……俾 d 時間我，我……我近來有 d 事！

債主：有咩事緊要過我叫你做 o 既事呀？總知你聽日就黎搵我啦！

弟：我……我……

債主：唔駛講咁多啦！我聽朝 o 係公司等你！

（債主及債主手下乙走）

弟：唉！理咁多啦！上左去先！

弟：醫生，我哥哥有乜野事？

醫生：你哥哥有腦癌。

弟：o 下點解會咁架？醫生你一定要幫下佢，我得呢個呀哥！一定要幫佢！

醫生：唔，我會盡力架啦！你要快 d 安排佢入院啫！

弟：唔該你醫生！

（弟對著床上的哥）

弟：唔怪得你近來都有乜精神，最衰係我叫你記一大堆銀行密碼，係我累到佢你咁，呀哥，係我對你唔住，你以後都唔駛幫我架啦！我決定左我地以後都唔做呢 d 野！我要呀哥你開開心心！

（在公司）

（哥出）（走向美兒前）

哥：美兒，早晨。我做埋今日工就要走啦！我細佬話我要身體檢查，要去瑪嘉烈醫院往一兩個星期啫！

美兒：你有咩事呀？

哥：我唔知呀，細佬冇話俾我聽呀！

美兒：哦，我得閒黎醫院探你，好唔好？

哥：好呀！你記住要成日探我啫！

美兒：好，梗係好啦！不過我近來要籌備結婚 o 既事呀！係啫差 d 唔記得俾帖你。（拿出帖子）

哥：（望著帖子，心中不是味兒）咩野叫結婚呀？

美兒：結婚即係男仔同一個女仔都愛大家，所以希望同對方過一生，咁就叫結婚啦！

哥：哦，係唔係要掉花球 o 個 d？

美兒：係呀！（笑）到時你又黎接花球，好唔好？

哥：好呀！你記住搵我啫！係呢？我有一個……請求，得唔得？

美兒：得，梗係得啦！係咩請求？

哥：（低下頭）我……我想幫你……整花球。

美兒：哦，好，冇問題，唔該你喎呀富。你下星期俾我，得唔得？

哥：得，得，得我一定做到俾你架！我○係醫院好得閒架！

美兒：嘻嘻！

（兩人笑）

（燈滅）（兩人出後台）（轉醫院境）（燈開）

（哥坐在台中的枱側，整理著將要完成的花球）（弟從右台出）

弟：（邊走邊說）唔知呀哥今日點呢？（行在哥前）（搶去哥手上的花球）喂！你仲整緊？由你入醫院到依家依已經兩個星期，而你就整足兩個星期，你估你入黎度假咩？你黎養病架！（十分激動）

哥：咩病呀？

弟：冇……冇咩，總知你唔好再接近呢個女人啦！明知你要入醫院仲要你整花球，都唔知有咩居心！

哥：（搶去花球）佢係好人，係我話要幫佢整，唔好理我！

弟：呀！你以前都唔係咁架，依家學成咁，你幾時變成咁？

哥：係你唔同左，唔係我！自從我入醫院後，我做乜你都唔俾！

弟：我咁做係為你好，你唔聽就算！（坐在另一張椅子上）（把頭向另一方）

（突破哥暈倒）

弟：哥！你點呀！你唔好嚇我呀！哥！

（哥已睡在床上）

醫生：我地已經無盡晒力！你同佢講埋最後一句話啦！

弟：唔……唔……（想哭）起來走近哥床前）哥！你點呀！

哥：細佬，我係唔係就快死啦？

弟：（強忍淚水）唔係呀……

哥：你唔好呃我，我前○個幾日偷聽到醫生話我有咩……咩腦癌，係咩黎架？

弟：冇，只不過係少少病，休息下就有事架啦！（強迫地笑）

哥：我要……要休息，咁你可唔可以幫……幫我俾呢個花球……美……兒呀？
（俾花球弟）新娘冇花球唔靚架。

弟：好，（拿著花球）我一定會幫你俾呢個花球美兒架！（忍著淚水）你休息下啦……

哥：唔，我可能發夢會見到爸爸同埋（細聲）媽媽……（合上眼）

弟：（哭）哥！我會俾花球美兒啦！你開開心心同呀爸呀媽住啦！

第四幕

（醫院的椅子上）

（電話聲）

弟：喂？

美兒：喂？唔該你係唔係阿智個細佬呀？我係佢個同事程美兒。

弟：哦，你就係○個個美兒啦！

美兒：係呀，我想問下阿智依家點？佢都好耐冇番工啦！我地成班同事好掛住

佢！

弟：佢……佢冇咩事，係呢佢成日咁唔小心，攞到要你地照顧佢真係唔好意思。

美兒：佢冇事就好啦！佢一 d 都冇攞住我地仲好幫得我地手！

弟：幫你地手？

美兒：係呀！佢好叻架，做野又快手，又勤力，所以深受 d 同事歡迎。最初有一 d 同事真係唔係咁接納佢，但係阿智 o 既真誠待人 o 既性格，令到好多人知道弱能人仕都好叻，好好人，所以我地每一次員工有聚會一定叫埋佢，佢真係帶俾好多人歡樂架！

弟：我同佢相處時，都得好開心！

美兒：講起開心，我記得有一次我同阿智去踩單車，我地玩左成日，好開心，而且當我教識佢踩單車時佢 o 個種開心 o 既樣，真係令人都開心埋一份！

弟：佢識踩單車？

美兒：係呀，唔止，我仲教識佢打電腦，整曲奇餅，跳舞等等，仲知呢幾個月同佢相處左咁耐，真係好開心，我從佢都學習到點樣過一個快樂 o 既心人生！所以我真係佢可以黎我個婚禮！

弟：原來哥哥咁有用！其中最有用 o 既係……我。呀！佢整左個花球，但……但係佢唔係咁舒服，所以佢叫我俾你，你幾時得閒？等我出黎俾你？

美兒：呀佢冇事嗎？

弟：哦，只……只不過少少唔舒服，冇乜野架！（苦笑）

美兒：哦，咁就好啦！我依家等閒，不如你依家 o 係荃灣地鐵便利店門口等，好唔好？

弟：唔，好呀！

美兒：唔該你！

（荃灣地鐵便利店門外）

美兒：（走近弟）你梗係阿智個細佬，阿智俾過你 d 相我睇，所以我認得你。

弟：阿智都俾過你 d 相我睇，o 拿，你個花皮球

美兒：唔該啫你，幫我問候阿智喎！我結婚 o 個日你地兩個記住你喎！

弟：唔，呀哥好番我地就會黎啦！（苦笑）

美兒：唔，我走先啦！記住幫我問候阿智喎！唔該！

弟：唔，byebye！

美兒：bye bye！

（換街境）

（哥在街上走著）（警察甲，乙走過來弟前）

警察甲：（遞出證件）我地係商業罪案調查科警員 pc33425，pc98456，梁永才先生，依家懷疑你同近來 o 既銀行戶口被盜竊罪有關，請你跟我地番差館協助調查。

弟：（伸出雙手）係我做架，你地拉我啦！

警察乙：係唔係你做我地會查架啦！跟我地番去啦！

弟：唔（笑著）

（弟走入後台，警察甲，乙隨後）

完